

ԱՌԱՋԻՆ
ՏԱՐԻ

ԵՄԻՆ

ԱՌԱՋԻՆ
ՏԱՐԻ



ԱԶԳԱՅԻՆ, ԳՐԱԿԱՆԱԿԱՆ ԵՒ ՔԱՂԱՔԱԿԱՆ ՀԱՅԱԹԱԹԵՐԹ

„ԵՄԻՆ“ ԼՈՅՍ Է ՏԵՍՆՈՒՄ ՏԱՐԵԿԱՆ 50 ՀԱՄԱՐ ՇԱԲԱԹ ՕՐԵՐԸ

«ԵՄԻՆ» Տարեկան գինը 10 դրամ, կէս տարուանը 6 դրամ: Առանձին համարները 5 շահի: Սրտատահմանում տարեկան 8 ֆրանկ կամ 3 ռուբլի, կէս տարուանը 5 ֆր. կամ 2 ռուբլի: Թէհրանում գրուած են միմիայն, ինչպիսի կրօնականներ ունենան: Յայտարարութիւնները խմբագրատան մէջ: Մեր հասցէն. Téhéran Rédaction CHAVIGH.

«ԵՄԻՆ» խմբագրութիւնը բաց է առաւօտեան 8—4 ժամը: Կարգաւեցումները 10—2 ժամը: Յայտարարութիւնները ընդունուած է ամեն ինչով: Յայտարարութիւնների համար վճարուած են խրաքանցիւր բառին 1 շահի:

ԲՈՂԱՆԳԱԿՈՒԹԻՒՆ

Գիւղական ազգաբնակչության անբարոյականացումը.— ԵՄԻՆ ՏԵՍՆՈՒՄԻՆ. Նամակ Դավ. րէժից. Նամակ խմբագրութեան. Ներքին լուրեր.— ԱՐՏԱՔԻՆ ՏԵՍՆՈՒԹԻՒՆ. Նամակ Հնդկաստանից. Արտարին լուրեր.— Բանասիրական. Ահա թէ ինչպիսի կրօնականներ ունենան.— Յայտարարութիւններ:

ԳԻՒԴԱԿԱՆ ԱԶԳԱՅԻՆԱԿՈՒԹԵԱՆ ԱՆԲԱՐՈՒՄԸ ՅԱԿԱՆԱՑՈՒՄԸ

Գիւղական կեանքի ուշադրութեան արժանի կէտերից մէկն էլ այն աղքատացումը է որ մերձակայ քաղաքները գործում են նոցա կենցաղի և բարոյականութեան վերայ: Այդ աղքատացումը զգալիաբար շատ հեռու է օգտակար լինելուց: Թէհրանի պարագայում դա. կատարելապէս անբարոյականացուցիչ է:

Ընթերցողին յայտնի է որ Թէհրանի և Սպահանի շրջակայքում, մի քանի օր հեռավորութեամբ, կան բազմաթիւ հայ գիւղեր, և ինչպէս ուրիշ անգամներ ևս նկատել ենք, պարսկահայ ազգաբնակչութեան խիստ ստուար մասը այդ գիւղերի բնակիչներն են կազմում:

Այդ գիւղերի մասին չէ կարելի ասել թէ նոցա բնակիչները թշուառութեան

մէջ են գտնուած: Շրջապատուած լինելով համեմատաբար լաջող հանգամանքներից և օժանդակուած ճոխ բնութեան կողմից՝ նոցա մնում է միայն աշխատել բարեկեցիկ դրութեան հասնելու համար: Բայց ոչ. քաղաքը իւր հրապուրով, աւելի մեծ վարձի յոյսով նորանց քարշում է, և ահա ամեն մի ընտանիքի մէջ որ մէկ երկու տղամուրդից աւելի կայ, տղամարդները թողնում հեռանում են դէպի քաղաքները, այնտեղ մշակութեամբ և գիտաւորապէս ծառայութեամբ զբաղուելու առաջին տարիներում:

Գիւղացին հասնում է Թէհրան, մտնում է մի ընտանիքի մէջ որպէս ծառայ. ձախիկ և անընդունակ ինչպէս որ մի գիւղացի լինում է քաղաք մտնելիս, նա թէև ծառայում է, բայց առանց հաճութեան, չը վայելելով՝ նաև դժուարապահանջ քաղաքացու կողմից ոչ մի համակրութիւն: Եւ ահա սովորաբար բարի, յօժարակամ, պարզ և համակրելի գիւղացուց դուրս է գալիս մի խորամանկ, մարդատեաց, գող, անհաւատարիմ ծառայ. մի քանի ամիս ց յետոյ չը կարողանալով մնալ նոյն ընտանիքի մէջ իր-

ըն ծառայ, դուրս է գալիս այնտեղից և մտնում է մի այլ տեղ: Այնպէս տընից տուն հինգ վեց տեղ փոխելուց յետոյ՝ նա դուրս է գալիս բոլորովին կերպարանափոխուած իւր գիւղական համակրելի բնավորութիւնից: Այս մի քանի տարիների տաժանելի ծառայութիւնը, խիստ և ծաղրական վարմունքը քաղաքացիների կողմից, ուր գործածած միջոցները փող վաստակելու համար կազմում են նորա կեանքի վարժարանը: Դուրս գալով այս վարժարանից մի 20—30 թուման փողով՝ նա հիմնում է մի գինեվաճառանոց, և շուտով բաքուի երկրպագուները լքնում են նորա քսակը երազած ոսկիներով, և նորա հոգին՝ ստորնութիւններով:

Եւ այսպէս Թէհրանը լցուած է օղևվաճառ գիւղացիներով, և մինչ քաղաքացի հայերից ջանք է լինում քիչ քիչ բառնալ այդ անսլոտուիչ արհեստը, միւս կողմից պատրաստուած է գինեվաճառների շատ աւելի ստուար մի խումբ:

Մի քանիսի աջողութիւնը հրապուրում է միւսներին, և ահա գիւղացու իդէալը դառնում է քաղաքի մէջ գինեվաճառ դառնալ: Խումբը խումբ գաղթա-

կատար իրաւունք ունի ամեն բան անելու, նոյն իսկ ուսումնարանը քանդելու կամ շինելու, դասերին յամախելու կամ չը յամախելու: Դրա պատճառն այն է, որ տղայոց դպրոցի աւագ վարժուհին կրօնուսոյց քահանայի իննամին է, բացի դրանից նոյն կրօնուսոյցը և հոգաբարձութեան նախագահ է: Իսկ օրիորդաց ուսումնարանը կառավարում է ուրիշ աւագ վարժուհի:

Չանգահարութիւնից յետոյ աշակերտուհիները և աշակերտները հաւաքուած են իրանց դասարաններում: Օրիորդաց ուսումնարանում խաղաղութիւն է ընկնում, դասատուութիւնը սկսում է, իսկ տղայոց դպրոցից լսում է սարսափելի աղմուկ և թխնախոս: Աւագ վարժուհին դեռ չէ եկել, տանը իւր նորածին երեխային ծիծ է տալիս:

Տղայոց դպրոցում երկու բաժանմունք կայ, առաջին բաժանմունքում շաւաղ վարժուհու դասն է (ռուսերէն), իսկ երկրորդ բաժանմունքում իւր խրնամի կրօնուսոյցի դասն է, որ նոյնպէս չէ եկել, որովհետև նախընթաց գիշերը հարսանիքում ծառայ-

դայ է եկել ու յոգնածութիւնից չէ կարողացել առաւօտեան վաղ վեր կենալ:

Աշակերտների այդ իրարանցումը և գողգոռոցը այն աստիճանի է հասնում ևս այնքան է շարունակուած, որ դպրոցի հարեւանք, որի տանը հիւանդ կայ, բարկացած դուրս է գալիս և հայհոյանքներ թափում աշակերտների ու նրանց ուսուցիչների վերայ:

Այսպէս անցնում է երեք քառորդ ժամը չափ, վերջապէս դալիս է աւագ վարժուհին. աշակերտները պատուհանից նկատում են իրանց աւագ վարժուհուն. գրոհ տալով և միմիայն գլխին հարուածելով դուրս են թափուած բակը և աղաղակում:

—Տիկին, բարեւ ձեզ, բարեւ ձեզ...

—Բարի առաւօտ... բացականչում է աւագ վարժուհին և դժուարութեամբ կարողանում է երեք առած աշակերտներին դասատուն ներս տանել ու հանդարտեցնել նրանց:

Դասը սկսում է: Փոքր ինչ ժամանակ խաղաղութիւն է տիրապետում տղայոց դպրոցում:

ԲԱՆԱՍԻՐԱԿԱՆ

ԱՀԱ ԹԷ ԻՆՉՊԻՍԻ ԿՐՕՆՈՒՍՈՅՆԵՐ ՈՒՆԻՆՔ (Պատահած դէպքեր)

«Յիշեցէք, որ Աստուածային պատկեր է երեխայի հոգին. երեխան կոկոնի մէջ ծածկուած մի ծաղիկ է, որ մի օրոշ ժամանակի ընթացքում պէտք է բացուէ և զարգանայ... ուսուցիչը նրան զարգացնելու օժանդակիչ գործիքն է...»:

2. Պատասխան.

1.

Առաւօտ է:

Թիֆլիս. քաղաքի փողոցներից մէկում գտնուած դպրոցի բակը լի է աշակերտներով և աշակերտուհիներով: Սա այն երկուսի դպրոցն է ուր կրօնուսոյց քահանան (որ իւր ուսուցիչ ստացել է վիւղական մի տիւրացուից որի մօտ ևս աւարտել է) լիա-

կաններ, թողնելով իւրեանց երկրագործութիւնը, վիստում են քաղաքի փողոցներում և շրջապատում իւրեանց արդէն փորձառու դարձած հայրենակիցներով անցնում են մի և նոյն բովից: Գիւղացու բարոյականը այնքան ստորանում է որ այժմ մենք լսում ենք մինչև անգամ ոճրագործութիւններ և գողութիւններ նոցա ձեռքով:

Եւ ինչ էք կարծում, մեր քահանաները գոնէ մի անգամ իւրեանց բերանը կը բանան գիւղացիներին յետ կանգնեցնելու համար այս գահավէժ գառնվայրի վերայ: — Քաւ լիցի:

ՆԵՐՔԻՆ ՏԵՍՈՒԹԻՒՆ

ՆԱՄԱԿ ԴԱՎՐԵԹԻՑ

24 յուլիսի 1894

Ակամայից գալիս ենք „Շաւղի“ մէջ արձանագրելու մի տգեղ երևոյթ, հակառակորդին ցած տապալելու համար գործադրած մի ստոր միջոց, որ վերջին ժամանակներս Դավրէթում սովորական է դարձել: Մէկը, հակառակ շատերի ցանկութեան՝ տեսչական պաշտօն է յանձն առել, մի երիտասարդ՝ հրաւիրել է հասարակութեան ուշադրութիւնը այս ինչ „ուստայի“ որկորը մտած ազգային գումարի վերայ, մի թղթակից քննադատում է „գործչի“ դիմակով ասպարէզ եկողի անցեալը—միւս օրը սկսում է լծագործողների մի կատաղի արշաւանք—նչ ասպետական վեհանձն դիմադրութիւն և ոչ ազնիւ վրէժխնդրութիւն, այլ փոքրոգի տմարդութիւն և զգուշի ստորութիւն...: Տեսնում էք այս ինչ և այն ինչ փողոցների պատերին կայքած գանգան թղթեր, որոնք պարունակում են ամենաստոր հայհոյանքներ այս ինչ կամ այն ինչ անձնաւորութեան հասցէին, և որ աւելի ցաւալի են է, այդ անբարեխիղճ պասքիլների տակն ստորագրած է լի-

նում „Դավրէթի հասարակութիւն“ կամ „Դավրէթի երիտասարդութիւն“ բառերը: Մարդ կարգալով այդ զգուշի գրութեան տակը եղած ստորագրութիւնը՝ մնում է շուարած, մէթէ մի հասարակութիւն այնքան ընկած դրութեան մէջ է, բարոյական այնքան ստոր աստիճանի վերայ կանգնած՝ որ իրան թող է տալիս անհատներ վայր ձգելու համար այդպիսի ամօթալի միջոցների դիմել: Հետաքրքրուելով, տեսնում էք, որ հասարակութիւնը անգիտակ է այդ բանին, հետեւապէս և այդ գրութեան ստորագրութիւնները կեղծ են և ստոր հակառակորդի սատանայական մեքենայութիւնները: Սակայն, այդ հասարակութիւնը դարձեալ որոշ չափով ընկած է մնում մեր աչքում, որովհետեւ նա, այդ հասարակութիւնը, եթէ չի ուզում այդ անպատուաբեր թղթերի մէջը դնել իւր անունը, պէտք է հետամտի և գտնի ու չարաչար պատժի այն զգուշի արարածներին, որոնք յանգնում են իրանց ստոր արարքները հասարակութեան անունով վարագուրել, իրանց տմարդի վրէժխնդրութիւնը՝ հասարակութեան վերագրել: Դա նշանակում է հայհոյել հասարակութեան, դա նշանակում է ձգտել իրանց կեղծ դիմակը ողջ հասարակութեան երեսին դնելու, և պատուապաշտ հանձնարարութիւնը թող չը պիտի տալ նրանց այդ անել...:

Բայց... բայց աւելի ցաւալիս այն է այդ անողները ոչ թէ փողոցային սրիկաներն են, այլ հասարակութեան, կրթութեան անունով գոռում—գոչումով օգտնող անգիտակները, ընթերցասիրութիւն ձանող հացկատակները և լոյս—գիտութիւն գոռացող բախտախնդիրները, այսինքն՝ ինտելիգենցիայի մրուրը, ուսուցչական կոչմանը ամօթ և նախատինք բերող մի քանի ուսուցիչ անունը կրողներ, և Դավրէթի երիտասարդութեան

պատիւը արատաւորող նոր սերնդի ներկայացուցիչները: Ահա թէ բանն ինչու մընէ:

Այստեղ կան մի քանի „ուսուցիչ“ անունը զօռով կրող երիտասարդներ, որոնք ամեն տեսակ միջոցների դիմելով, երբ տեսել են չեն կարողանում գլուխ պահել—հետեւ են իրանց „բարի հայրերի“ օրինակին, այն է՝ մտնել ազգային գործերի մէջ և իրանք էլ նրանց նման հասարակութեան փողով իրանց որկորը լցնել: Բայց Լիւաւայի հոգաբարձութիւնը՝ հակառակ նրանց թափած ամեն տեսակ ճիգերի՝ վարձում է տեսուչ պ. Գաբրիէլ Պապեանին, որը Ռուսաստանում կրթութեան մի երիտասարդ է: Ուսուցիչների մրուրը փրփրում, կատաղում են, տեսնելով իրանց կառուցած օղային բոլոր ամրոցները տակնուվրայ եղած:

Եւ ահա մի յայտարարութիւն է փակցուած պատերին, որով հայհոյում են այն խեղճ երիտասարդին սմեն տեսակ լուտանքներ թափելով, մինչդեռ նա ընդամենը մէկ շաբաթ է քաղաքում եղել և ոչոք չէ ճանաչում դեռ նորան:

„Շաւղի“ մէջ լոյս է տեսնում մի յօդուած, որ ազգային „Տուգերի“ պնչին զարկում է: Տուգերը կարծում են թէ այդ յօդուածագիրը ուսուցիչ Ռ. Մովսիսեանն է և հաւաքելով իրանց փեսաներին-խնամներին՝ վրէժը լուծելու միջոցներ են մտածում: Որքան ևս առաւել կատաղու են նրանք, երբ լսում են որ սրբազան առաջնորդը վճռել է նոյն պ. Ռ. Մովսիսեանին քահանայ ձեռնադրել: Եւ ահա այսօր պատերին կայքած էր մի զգուշի յայտարարութիւն, որ անպատկառ կերպով ուղղուած էր սրբազանի հասցէին՝ „էյ առաջնորդ“ անվայել վերադիրով, որով սպառնում են սրբազանին հեռացնել Մովսիսեանին եկեղեցուց, եթէ ոչ իրանք աւելի բարձր տեղ կը դիմեն (մատնութիւն) որ նա

Աւագ վարժուհին բաց է անում առաջին եւ երկրորդ բաժանմունքի մէջ տեղը գտնուած դուռը, որ կարողանայ երկրորդ բաժանմունքի աշակերտներին էլ ուշադրութիւն դարձնել:

—Այսօր կրօն չեմ սովորել, երէկ շատ կարդացի. բայց ոչինչ չը հասկացայ, անգիր էլ չը կարողացայ անել այս շարականը, տրտնջում է երկրորդ բաժանմունքի մի յառաջադէմ աշակերտ:

—Ոչինչ այսօր տէր հայրը չի դալ, պատասխանում է նրան իւր ընկերը:

Աշակերտների մէջ սովորութիւն էր դարձել, եթէ մէկը հարցնէր. „հիմա ինչ դաս ունինք“, միւսը կը պատասխանէր „կրօն“ եւ վերան էլ կաւելացնէր. „Տէր հայր չի դալ“:

Անցնում է փոքր ինչ ժամանակ, դասը վերջանալու վերայ է: Դալիս է կրօնուսոյց քահանան աչքերը ուռած:

—Ազօթնէք, հարցնում է կրօնուսոյցը:

—Այո ազօթնէ ենք, այո ազօթնէ ենք... վերայ են տալիս բոլոր աշակերտները միասին:

—Ուրեմն նստեցէք տեղներդ:

—Տէր հայր, կարծում էի թէ չէք դալ, կրօնի դասը չեմ սովորել, տեսնում է վերոյիշեալ յառաջադէմ աշակերտը:

—Ինչու չեմ սովորել, հարցնում է կրօնուսոյցը:

—Կարդացի, կարդացի, բայց ոչինչ չը հասկացայ, բերանացի էլ չը կարողացայ անել:

—Ինչ հարկաւոր է հասկանալ, դրաբար ազօթները առանց թարգմանելու եւ առանց հասկանալու պէտք է անգիր անել: Եթէ դուք դրաբար ազօթները աշխարհաբար թարգմանէք իրանց զօրութիւնը կը կորցնեն: Կաթողիկոսը արգիլում է, որ դրաբար աշխարհաբար թարգմանենք, պատասխանում է կրօնուսոյցը եւ հետն էլ աւելացնում.— վերջո՞ւ դասագիրքը եւ կարդա:

Աշակերտը վերցնում է կրօնի դասագիրքը եւ կարդում է „Հաւատամքը“: Ընթերցանութեան կէսը զիտ չաւարտած, լսում է զանգի ծայնը, աշակերտները առանց սպասելու ուսուցչի հրամանին, տանքը գուրս են վազում:

Տէր հայրը ջտապով ստորագրում է օրագրական մատենանում, իբրեւ թէ ամբողջ դաս է պարագայի եւ շտապում է գնալ արքունական դպրոց. ուր նոյնպէս կրօն է աւանդում:

II.

Ժամի տասնմէկ եւ կեսն է: Մեծ դասամիջոցը վերջացել է, սկսուել է չորրորդ դասը: Օրիորդաց ուսումնարանի երրորդ բաժանմունքում կրօնի դաս կայ: Գարնանային գեղեցիկ օրերից մէկն է, արեգակը թափանցել է դասարանի պատուհաններից եւ աշակերտուհիներին զուարճացրել: Նրանք այսօր տրամադիր են զօսնելու. քան թէ կրօնի տնտեսական աղան յօդուածները բերանացի ասելու:

Այդ դասին ներկայ է եւ օրիորդաց ուսումնարանի աւագ վարժուհի տիկին Յայտնեանը, որ արդէն չափել է յիշեալ կրօնուսոյցի գիտութիւնն եւ ստորապելու եղանակը:

Տէր հայրը այսօր սրտեալ ժամանակին է եկել դաս պարագայի:

—Վարդանեան Վառվառէ, պատմիր դասը, ա-

մարդասպան է (զրպարտութիւն), և հազար ու մի տեսակ հայհոյանքներից յետոյ, թէ իրանք կը գնան և բողոքական կը դառնան: Յայտարարութեան տակն ստորագրած է „124 լիւաւացիներ“: Նախ սրանից մէկ շաբաթ առաջ, մի խընճոյքում, ուր ներկայ էին ամբողջ լիւաւացիների աչքի ընկնող մասը, իրանք առաջարկեցին սրբազանին միաձայն՝ ձեռնադրել այդ պարոնին քահանայ իրանց եկեղեցւոյ համար: Երկրորդ այսօր մենք առիթ ունեցանք 100 հոգի լիւաւացիների հարցնել այդ յայտարարութեան մասին. բոլորն էլ միաձայն վկայում էին, որ դա փչացած անձնաւորութիւնների գարշելի արարք է...:

Եւզ մնում է ցաւել հասարակութեան վերայ, որ դեռ թող է տալիս այդպիսի ոչ բարոյական արարածներին հասարակական գործերի խառնուիլ և հասարակաց կըթուլթեան և յառաջադիմութեան նախանձախնդիր համարել իրանց...:

Յ.

ՆԱՄԱԿ ԽՐԱՍԳՐՈՒԹԻԱՆ

Դավրէժ 25 յուլիսի 1894

Եւզ շատ տարօրինակ է թուում այն բանը, որ աշխատում են մինչև իսկ ճշմարտութիւնն էլ հերքել. Բնչն է զրդում մարդկանց այդ քայլն անելու. տեսնել մածունը սպիտակ է և պնդել թէ սև է, հացի խնդիր է թէ անձի, այդ իրանք գիտեն, բայց այդքանը թող չը մոռանան, որ ճշմարտութիւնը միշտ ճշմարտութիւն է, աշխատել նրան ծածկել՝ դա քրեխայութիւն է, և անկարելիութիւն:

Եւնք մեր աչքով տեսած ու ականջով լսած՝ հաղորդում ենք թէ Դավրէժու բողոքականաց դպրոցի վարչութիւնը որոշել է այլևս լուսաւորչական ուսուցիչներ չը պահել, յանկարծ մէկը այն կողմից դուրս է գալիս և իբր խընդ-

րին աւելի լաւ ծանօթ, ուղղում է շողմոգութեամբ, առանց կարմրելու հաստատել թէ այդ լուրը սխալ է. և տեսէք ինչ կերպով: „Ինչպէս ամեն մի ընթերցողի, մեզ ևս այս լուրը տարօրինակ թուեց“, (իհարկէ եղելու թիւնը տարօրինակ է) և այլն („Շաւիղ“ № 25): Թող մեր պ. հերքիչը իւր լեզուութիւնը մի քիչ սրէ, որովհետև չորս տարի չէ այդ կայացած ընդհանուր ժողովը, այլ երկու և մեզ համար նշանակութիւն չունի առաջարկողների ասորի կամ հայ լինելը, մեր խօսքը որոշումը ընդունուելուն վերայ է և եթէ չընդունուեց այդ որոշումը Բնչու իսկոյն և եթէ արտաքսուեցան երկու լուսաւորչական ուսուցիչները, որոնցից մէկը լաւ բարոյականի տէր էր ինչպէս և իրանք էլ խոստովանում են և նորանց պաշտօնը ստանձնեցին իրանք Միսիօնարները մի բողոքական ուսուցչի հետ. և հէնց այս տարի ուսուցչական խումբը կազմակերպելու համար ահագին դժուարութեամբ, հազիւ հազ կարողացան գտնել երկու բողոքական ուսուցիչներ և 3—4 ուսուցչի պաշտօնն էլ, որոնց կարօտութիւնը անհրաժեշտ է, Բնչու ստիպուած գործեալ իրանք պետք է կատարեն: Միթէ չը կարողացան գտնել „լաւ բարոյականի տէր, ճշմարիտ դատարարի“ լուսաւորչական ուսուցիչներ: Ի զուր է ճգնում եւր պ. հերքիչը ծածկել ճշմարտութիւնը, որոշումը լաւաջ է տարւում առանց մի կէտն անգամ փոփոխուելու, նա իւր այդ հերքումով վերաւորում է նոյնիսկ տեսչին և ամբողջ վարչութեանը, որոնք իրանց բերանով ճշգրտութեամբ խոստովանում են իրանց արած որոշումը: Այնքանցնում ենք մեր խօսքերը այս ասելով, որ մենք պատրաստ ենք այս անգամ պաշտօնապէս հրատարակել տալու այդ որոշումը, եթէ հարկը պահանջէ:

Ե.

տում է կրօնաւայրը մի հասակաւոր և յառաջադէմ աշակերտուհու:

Աշակերտուհին սկսում է այն օրուայ դասը՝ „Սահակ պարթևի“ պատմութիւնը պատմել և վերջացնելուց յետոյ կրօնաւայրը, որ իւր աչքերը զըրքից չէր հեռացնում, նկատողութիւն է անում աշակերտուհուն:

— Դու շատ բան բաց թողիր, ու զրքի համեմատ էլ չը պատմեցիր, հազար անգամ ասել եմ, որ սա կրօն է, կրօն, բառացի անգիր սխալ ասէք, եթէ մի խօսք զրքից դուրս բան ասեցիր՝ այդ կը նշանակէ, որ դուք անհաւատներ էք:

— Այս Թարուհիւնեան Աստղիկ, պատմիր:

— Այս աշակերտուհին բառացի անգիր է պատմում „Սահակ պարթևի“ մասին, զրքից զըրքից բաց չը թողնելով:

— Այո, այդպէս, շատ աղքատ, քիչ 5-իմ նշանակում:

— Օրիորդ, ասա խնդրեմ, ո՞վ էր Սահակ պարթևը հարցնում է նոյն աշակերտուհուն աւագ վարժուհին:

նարնիցնում, իսկ միւս աշակերտուհիներից մէկը մատ է բարձրացնում, իբրև նշան, որ ինքը գիտէ: Աւագ վարժուհին դրան էլ նոյն հարցն է տալիս:

— Սահակը քահանայ էր, պատասխանում է աշակերտուհին:

— Այդպիսի բաներ ինչ հարկաւոր են, ես չեմ սովորեցրել, բաւական է, որ սրանք պնդուորութիւնների անուններ եւ գործեր լաւ իմանան, սրանց խելքը այդպիսի չի կորում, պատասխանում է կրօնաւայրը քահանայն աւագ վարժուհի տիկին Յայտնեանին:

Աւագ վարժուհին ժպտում է և լուում:

— Տէր հայր, ինչ բան է պարթև, հարցնում է կրօնաւայրին մի հետաքրքիր աշակերտուհի:

— Հին ժամանակ կային մի տեսակ զարմանալի մարդիկ, բացատրում է տէր հայրը. նրանց զուրկ չափից դուրս մեծ էր, ունէին երկու մեծ ձեռք, երկայն ձեռքեր և երկայն ոտքեր: Ինչպէս այժմ երկար ձեռքեր ունեցող մարդկանց զոգորուկով են ասում, այնպէս էլ այն ժամանակ չէջեալ մարդկանց պարթև էին կոչում որ նշանակում է երկու մեծ

ՆԵՐՔԻՆ ԼՈՒՐԵՐ

Հասարակ աղբիւրներից քաղում ենք, որ Վեհափառ Հայրեկրմի օրհնութեան կոնդակ է ուղարկել առ Պարսկաստանի և Հնդկաստանի հայոց առաջնորդ՝ Եսայի եպիսկոպոսն:

Լսում ենք որ Թէհրանում նոր հաստատուած լուցկիի գործարանը որ ամբողջ Պարսկաստանում առաջին գործարանն էր և յատուկ մենաշնորհն էր մէկ ուսուսկան ընկերութեան, այս օրեր վերջնականապէս հաւաքեց իւր գործերը:

Դավրէժից մեզ դրում են, որ անլայտ աւագակներ գիշերով մտել են Ս. Արզումանեանց Ֆիրմայի տունը՝ և կտրի վերայ սպաննել, պ. Սմբատ Արզումանեանցին, եղբայրները բողոքել են Դավրէժ և Թէհրան հեռագրով: Այս դէպքից 20 օր առաջ՝ Ս. Արզումանեան տան հետ պատահել է մի ուրիշ դէպք: Շահթախտի վրայով գալիս էր Սալմաստ Բ. Արզումանեանի որդի Ա. Արզումանեանը, որ գնացել էր Թիֆլիս բերելու իւր որդիքը, որոնք սովորում էին Թիֆլիսում: Գալիս էր պ. Արզումանեանի հետ՝ սպանուած պ. Սմբատի եղբոր որդին էլ, որը նոյնպէս սովորում էր Թիֆլիսում: Պարոն Սմբատը ուղարկած է եղել՝ վեր եղբոր որդու համար մարդիկ և ձի որ բերեն. պ. Ա. Արզումանեանի համար էլ իւր տնից՝ ուղարկւած է եղել ձիեր և ծառաներ: Գնացողները դէպի Շահթախտ եղել են ութ հոգի՝ որոնցից երեքն եղել են հայ, իսկ հինգը թուրք ծառաներ և ջրեպաններ: Խոյի և Ենգի գիւղերի միջով անցնելով, տանում ու չորս գինուած և դիմակաւորուած ձիաւորներ, յարձակում են սրանց վերայ, թալանում և սպաննում հայերից մէկին, որը յայտնի է մեզ մօտ Մովսէս անունով, տանելով իրանց հետ 1000 թումանի ապրշումեղէն ապրանք, 2000 թում-

Աւագ վարժուհին լսելով այս այլ ևս չի կարողանում իր ծիծաղը զսպել և դուրս է գնում դասարանից: Իսկ աշակերտուհիների մէջ բարձրանում է սաստիկ հռիւոց:

Դասը վերջանում է: Աշակերտուհիները դուրս են գալիս բակը խաղալու. նուխատենալով օրիորդաց ուսումնարանի աւագ վարժուհին հանդիպում է կրօնաւայրը քահանային և ասում:

— Տէր հայր, միթէ զոգորուկով երկար ձեռքեր ունենալու պատճառով են կոչում, զոգորուկով մի տիտղոս է կամ միթէ պարթև թեւաւոր մարդ է նշանակում:

— Այո, տիկին, հին ժամանակ թեւաւոր մարդիկ լայն, հէնց պարթև խօսքն էլ այդ է նշանակում պար նշանակում է զոյգ, թեւ—ձեռք, այսինքն չէրոյ թեւեր ունեցող մարդիկ: Այս ասելուց յետոյ իսկոյն շտապով հեռանում է տէր հայրը իսկ աւագ վարժուհին բարձրաձայն ծիծաղով ներս է մտնում ուսուցչական սենյակը:

(կր շարունակուի)

ման էլ կանխիկ փող, որը տանում էին Շահթախթից փոստը ձգելու: Ա. Արգումանեանցները բողոքել են, թէ Խոյ և թէ Դավրէժ: Այս օրերս ուղարկուեցան մամուլներ Խոյ, Մաքու, Ուրմի, ասում են որ ապրանքի լեռքերը զւնուած են Ուրմի և Մաքու: Վերոյիշեալ դէպքերից սառն օր առաջ՝ Դերիկի վանքը գնացող ուխտաւորներից սպանուել են երկու հոգի, Նզրավայի քիւրդ գիւղի և Դերիկի մէջտեղում, կասկածում են նզրավայի քիւրդերի վերայ, որովհետեւ վերոյիշեալ քիւրդերը սարսափելի դէմ են վանքի վերաշինութեան և չեն խնայում ոչ մի միջոց արգելքներ լինելու: Դեռ յիշեալ դէպքի համար ոչ մի տնօրէնութիւն չեղած՝ Դավրէժի գայմազամը Սալմաստից ստացաւ յուլիս 20 թուով այսպիսի մի հեռագիր, որ Դերիկի ուխտաւորները շրջապատուած են երկու հարիւրի չափ Տաճկաստանից եկող քիւրդերով՝ տնօրէնութիւն: Գայմազամը հրամայել է, որ Սալմաստում ինչքան ձիաւորներ կան ուղարկուին ուխտաւորները պաշտպանելու համար, Դավրէժ եկող սալմաստեցիները պատմում են, որ մինչև կառավարութեան ձիաւորների հասնելը ուխտաւորները ընդհարում են ունեցել քիւրդերի հետ, և սպանել են նրանցից 4 հոգի, իսկ իրանց կողմից միայն սպանուած է քիւրդ հովիւը, տարել են տաւարի մի մասը:

Նոյն տեղից մեզ գրում են, որ յուլիս 20-ին Դավրէժ հասան երեսուն հինգ հոգի Սալմաստի Հաֆթուան գիւղացիները, որոնք եկել են բողոքելու՝ իրանց նոր աղալի դէմ, որը կամեցել է մինչև հիմալ ստացած տուրքի փոխարէն՝ զօրաւ անել ամբողջ հողը: Տասն ու վեց հոգի էլ բանտարկուած են Սալմաստում, որոնց օրը երկու անգամ ծեծում են և հինգ թուման փող առնում: Յուլիս 27-ին Դավրէժ եկող բոլոր Հաֆթուանցիք մտան բաստ թագաթաւանգի մօտ: Իսկ 17-ին Բերդաթաղում մի հայ կին թողել և փախել է, իրանց թուրք ծառայի հետ, ասում են որ ամուսինը շատ ծեծելիս է եղել:

Նոյն տեղից մեզ գրում են որ յուլիսի 27-ին նորին բարձր սրբազնութիւնը ստացել է Դերիկի վանքի վաքի Սարգսից հետեւալ հեռագիրը, որ Դերիկի վանքի տաւարը թալանեցին և տարան երեքհարիւր քիւրդեր, ինքն էլ պատրաստուած է վանքը դատարկել:

Հաստատ աղբիւրներից լսում ենք որ, Քէյվանի տէր Սարգիսը նորին բարձր սրբազնութեան հրամանով առ այժմս գաղարել է քահանայագործութիւնից:

Նիւնբերի շատուծեան պատճառով բովանդակութեան մէջ յիշուած Հնդկաստանի նամակը չը մտաւ:

«Արարդաղի գաւառ» բանասիրականի շարունակութիւնը չորս համարով յիտարկուեցաւ:

ԱՐՏԱՔԻՆ ՏԵՍՈՒԹԻՒՆ ԱՐՏԱՔԻՆ ԼՈՒԻՆԵՐ

—Շաւիշայից յուլիս 25-ին հայորդում են որ ժապօնացւոց զօրքը, չինական սահմաններում և չինացւոց հաստատուած տեղերում յառաջ են խաղում: Այս երկու տէրութեանց մէջ պատերազմը անխուսափելի է:

—Լոնդոն յուլիս 27-ին հեռագրում են որ Անգլիոյ արտաքին գործոց նախարարութեան երկրորդը յայտնում է որ համաձայն Անգլիոյ տէրութեան խնդրանաց, գերմանական, ռուսական, ֆրանսական և իտալական կառավարութիւնները հրահանգ են ուղարկել իրանց թօկիում և Պէքինում ունեցած դեսպաններին, որ օգնեն այդ քաղաքներում եղած անգլիոյ դեսպանների արած ջանքերին որպէս զի խռովութեան և երկպառակութեան պատճառները մէջ տեղից բառնան:

—Յուլիսի 28-ին Եօքօհամայից հեռագրում են թէ որպէս ժապօնի պաշտօնական լուրերից երևում է, ժապօնական պատերազմական երեք նաւատորմ չինական մարտանաւերի հետ պատերազմի են բռնուել և խորտակել չինական մէկ նաւատորմը որ կրում էր բազմաթիւ զօրքեր, մէջի բոլոր զօրքերը զոհ են գնացել:

—Յուլիսի 29-ին Եօքօհամայից հեռագրում են որ չինական զօրքը ամսոյս 27-ին Ասանում ժապօնացիների վերայ յարձակում է արել. բայց այդ պատերազմի մտնրամասնութիւնները դեռ յայտնի չեն: Ժապօնի կառավարութիւնը իւր ծովային պահեստի զօրքը կոչել է: Չինացւոց կառավարութեան ժապօնում ունեցած դեսպանները և պաշտօնեաները, ժապօնից հեռացել են:

—Փարիզից յուլիս 26-ին հեռագրում են որ ֆրանսական զօրքը Սենէկալի քահանային սպանել է, որովհետեւ նա քարոզում և դրդում է եղել ժողովրդին որ ֆրանսացիներին մի ընդհանուր կոտորած տան, 500 հոգի էլ նորա համախոհներից են սպանուել: Ֆրանսացիներից 9 հոգի սպանուած և 150 հոգի վիրաւորներ կան որոնցից 6 հոգին պաշտօնեաներ են:

—Յուլիսի 30-ին Եօքօհամայից հեռագրում են որ չինական զօրք փոխադրող մի նաւ, ժապօնական մի մարտանաւից յաղթուել է, 1500 չինացիներ ջրասույզ են եղել և կորսուել, մի քանի օտարականներ էլ չինացւոց հետ ջրասույզ և թշնամու կրակին են հանդիպել:

—Լոնդոն օգոստոս 1-ին «Տայմզ» լրագիրը Պէքինից եկած մի հեռագիր է հրատարակել որոյ մէջ ասում է որ իշխան Լիհուենկ-Չանկը յայտարարել է որ եթէ պատերազմի յայտարարութիւն լինի չինական կառավարութիւնը շատ խիստ կերպով պատերազմի կը ձեռնարկէ:

—Օգոստոս 1-ին, Տոկիոյից հաղորդում են որ, ժապօնից կառավարութիւնը պաշտօնապէս Չինացւոց կառավարութեան, պատերազմ յայտարարեց: Նոյն օրին Լոնդոնից հեռագրում են, որ Անգլիա-

յուց տէրութիւնը Չին-ժապօնական պատերազմում իւր չէզոքութիւնն է յայտարարելու: Վարդ Սպլեն-տեր բոլոր անդիական նաւերին հաղորդել է յայտարարել է որ չինացւոց և ժապօնացւոց տէրութեանց և ոչ մէկի համար զօրք եւ պատերազմական միջոցներ չը փոխադրեն, և անդիացւոց փոխ-ծովաւային հրահանգ է տրուել որ իւր բոլոր նաւերը հաւարէ չինական և ժապօնական նաւահանգստներում, ի պաշտպանութիւն անգլիոյ շահերի և իրաւանց: —Օգոստոս 3-ին, Շանխայից հեռագրում են որ վաճառականները օգնութեան եւ ձեռնուղեման առնուով պատերազմի համար մեծ ցումարներ են հաւաքում Չինաստանում:

—Օգոստոս 3-ին Լոնդոնից հաղորդում են որ գերմանական երեք և սպանիական մէկ նաւատորմերի հրամայուել է գնալ Կորէա:

—Փարիզ, Դատաստանական խորհուրդը Կարիօի սպանողին մահուան է դատաւարտել:

—Օգոստոս 4-ին Տոկիոյից հաղորդում են այս քաղաքը հասած լուրերին նայելով երևում է որ ժապօնացւոց զօրքը յուլիս 29-ին կրկին Եաշանում յարձակում է գործել չինացւոց բանակի և պահակ զօրանցի վերայ: Չինական պաշտպանուող զօրքը 3000 հոգի էին: Հինգ ժամ պատերազմից յետոյ Չինացիք յաղթուեցին 500 հոգի կորսնցնելով: Ժապօնացիք չորս մնական և մեծ քանակութեամբ ռազմամթերք են ձեռք անցրել: Ժապօնացիներից կորուստ կայ 80 հոգի:

—Պէկին 4 օգոստոսի. Չինացւոց կայսրը մէկ հրովարտակ է հրատարակել որ Կորէան Չինական հպատակութեան ներքոյ է որով և իշխան Լիհուենկ-Չանկին հրամայում է որ հարկաւոր եղած միջոցները ձեռք առնէ: Չինացւոց իրաւունքները և շահերը պահպանելու համար:

—Լոնդոն օգոստոս 4-ին հեռագրում են, որ Եաշանում պատահած պատերազմի այստեղ հասած լուրերը հաստատում են որ ժապօնացիք նահանջել են:

—Յուլիս 28 և 29-ին Եաշանում պատերազմ է տեղի ունեցել, 2000 ժապօնացիք կորսուել են: «Տայմզ» մի հեռագրաւոր է հրատարակել որպէս թէ 20000 չինացիք Մանչուրիի կողմից մըտել են Կորէա:

—Օգոստոս 6-ին Շանխայից հեռագրում են, որ ժապօնի դեսպանը և իւր հետեւորդները ժապօն վերադառնալու ժամանակ Տակիում չինական զինուորները նրանց հայհոյել և նորանց տարանքները խլել են: Իշխան Լիհուենկ-Չանկը զօրք է ուղարկել որ այդ խառնակողներին ձերբակալեն: Նայնպէս լուր է հասել որ ժապօնացիք ժապօնում գտնուած չինական դեսպաններին և պաշտօնեաներին հետ շատ վատ վարմունք են ունեցել: Անգլիացւոց և ռուսաց կառավարութիւնները կատարեալ համաձայնութեան են եկել, որ չինացւոց և ժապօնացւոց մէջ տեղի ունեցած երկպառակութիւնները վերցնեն և Պէտերբուրգի Սենատում խօսուել է որ եթէ ռուսը և անգլիացին չինացւոց և ժապօնացւոց միջի անհամաձայնութիւնը բառնալու չը յաջողեն, ռուսաց կառավարութիւնը պատրաստ կը լինի չը թողնելու որ ունէ մի պետութիւն Կորէայի որ և է մի կողմը տիրէ:

Արտօնատէր—Հրմտարակիչ

ԱՆԴՐԵԱՍ ԲԵԿՆԱԶԱՐԵԱՆՅ